قصائد عامية



على الشرقاوي

أصداف

قصائد عامية

1993

الأصداف مملكتي منشأ أمرب وإليمًا أعود. ع.ش

أصداف قصائد عامية

شکی

علي الشرقاري
أصداف
جميع الحقوق محفوظة للمؤلف
ص.ب:٣٢٦٦١/البحرين
رقم الايداع بالمكتبة العامة بالبحرين
١٩٩٣/د.ع/١٩٩٤
الطبعة الاولى يناير ١٩٩٤/البحرين

الأخراج: فريد رمضان

محارة

احب اسافر ف بحرك مراكب بالهوى تمشي بليا شراع واغوص وقت الفجرفي القاع أدور فيك عن المرجان عن لولو خضر مخلوط بالزرقة وادور فيك يا روحي

عن الشهقة وعن عمري اللي قبلك في السواحل ضاع.

لو اقدر

لو اقدر اشیل العین من بین الجنن منها شلت الضوه منها وخشیتك نبع اكبر من الانهار لواقدر ولكن كیف كني ما تساعنني

وكل اللي بنيته من تعب عمري اشوفه في دقيقة انهار .. ياغدار!

لوزه

يالوزة شوق يحرقها عرقها في ورقها اللي يغطيها مثل حرقة نهر ظل الدهر ضامي انا قطيرة هوى شديني بعروقك وضميني بلا ضم الهوى في القلب ما تتجدد اوراقك ولا تتجدد ايامي .

حقول

لاتهاجمني نظر عيني ولا تخليني لو مرة اهاجم خلني اكرر خلني الرواقول واقول الهوى في الدنيا

مثلات المواسم واحنه مثلات الحقول.

نار الحب

لاتقولين البتعد عني البيعد عني انا مبغيك تتعذب على ريحة وهم مغسولة بالآلام . انا عصفور يا روحي والعصفور يا روحي اذا ما ضاق لو مرة شرارة حب ما يعطي الزمن أنغام .

حصار

اقول . شاقول وانا اللي شابت عروقه ورا غيوم الاماني ينتظر ينتظر دانة فرح مزروعة بالاخلاص . اقول اقول عصفور وانا محاصر مثل عصفور جدامه مئة قناص .

عود بابس

عطشان ذابحني العطش من أول سنيني خلي النده ينزل ويحييني عطشان لا تقولين عندك ها لمطر ماي الدهر كله بلا ريحة عرق ما ظنه يكفيني .

حلاة الآه

يا عين العين ..
يا صوت العطش
يا كلمة تتبرعم على الأوراق .
حلاة الآه
تتناثر ما بين اثنين
وتصير الضوه في القلب
وتصير النغم في العين
وتتحول .
على طول الهوى
عشاق .

رهبة

خلطيني بسمار اللون وخطيني مع سطور الكحل موجة فرح حرفين تحرقني واخاف انطقها بشفافي خليني كلام عيون لا هو دمع لا هو دمع

لو اقعد اوصفه هالعمر ماخلصت اوصافي .

محتاج

أنا محتاج لك محتاج حاجة طير حق أول ضوه يطلع من الغبشة انا محتاج انا محتاج انا محتاج لك يا شوق ودي اجيك مثل مركب نسى نفسه عقب ما عاشر الأمواج.

اكثر من النجمة

ودي اتنفس عيونك
ودي افتح في شرايينك كلام
ما تقوله الموجه للموجه
ولا النجمة ف عشقها
حتى لو شقت
مسافات الظلام
ودي اشيلك
واحطك

في بحر صدري سفينه تعبر الدنيا بمشاعرها ولحظة ما تنام .

نون الجماعة

انتي نص الكون انتي النار ياخذني فضاها كوكب صغير محاصر بالرعود لاتهديني تره احنه اثنين نتكامل اماني انتي من غيري بلامعنى ولا لي انه من غيرك وجود.

ما بحتاي

مايحتاي تسأل رجفة ايديني وقلبي اللي ارتجف اللي ارتجف لما سمعتك ياي ما يحتاي ما يحتاي زهر الشوق لوحس اي عطش في الروح ما يتمنى غير الماي .

عشق

قلبك اذا ما حن مرة للعشق يتمنى تأنيبك صوتك اذا ما صاح بسم اللي تحب لا تظنه يدري بك والروح مثلات السفينه والمواني هالصدر

لولا الصدر مافي اماني تقدر توديك .. وتجيبك .

نورس

لوطار قلبك
في بحر ليل الشقا
او غاصت احلامك
حبيبي
في التراب عروق
تبقى مثل ما كنت
في الأول مواقد شوق

تتمنى لو نار الهوى ترنع جناحك فوق .

حرارة شوق

هوى العاشق
هوى ما ينلمس باليد
وما يقبل علينا فرض
ولو حاولتي تعتنعين
عن صوتي وتبتعدين
اظل باقي
بنزواتي واشواقي

اعيش في داخل عروقك وحبك في شراييني حرارة نبض.

سِبِف دائم

حبيبي روح ومهما تروح أظل اتخيل شراعك حمامة في بحر صدري واحس شهقة مجاديفك. حبيبي روح سافر في الجهات الست حتى لو تكون امواج في الآخر قي الآخر ترديا قلبي حق سيفك .

انتظار

قلبي بلا صوتك ظلام وانت القمر طول الدهر دوار من نور صوتك ترتعش روحي مثل أي زهرة برية تبعد شهر تبعد دهر تلقاني مثل الدار تحلم تشاركها ربيع الشوق ليلية دون الهوى جمر الصدر ما يشتعل بالنار .

النمام

لو صحيح انك تحبيني مثل ما قلتي حق الناس قد الماي هالنايم على صدر البحر ما تركتيني على سيف القهر انتظر خطوة خبر

البحر ما يقبل تخلين أي نهام فوق السيف يغرق في السهر.

احساس

الحب .. مو جرة قلم تكتبها في قرطاس الحب .. في الدنيا نغم كله فرح واحساس افهمني ولد الناس لا تدخل احلامي هوى وتخرب أيامي وتتركني ألم وتتركني ألم يمشي ما بين الناس.

صخرة

ضحكاتك قمر يلعب
ويرقص في بحر صافي
وقلبي في السواحل طير
بنت الخير
اي دانة
اذا ما تقدر تلامس

يد اللي من اجلها غاص وتدخل في هوى احزانه تظل صخرة بلا معنى في في في قبل معنى في وسط الهير .

هبر بونبع

يا هيريا بونبع
ياللي غويت الطير
وخليته يهد السيف
ويجي لك
على جتوفه غبار الليل
وفي قلبه نهار العيد

مجادیفه اتعبت من کثرة التجدیف قول اشلون یوصل وانت لی جرب تروح بعید ؟

لمب

لا تقول قلبي تعب من يومه وأمسه وانت اللهب واللهب يحرق من يلمسه رد الوله للصدر

رده ولو همسه للقلب طبع اليمر لو ما احترق بالهوى يرجع على نفسه.

प्रवांत्र

یا للی تسکن نی نضا روحی وصوتك منزرع غابة هوی نمی كل خلیة نمی كل خلیة من خلایا هالجسد احنه نی غصنین احنه نی غصنین

نتراسل غناوي من عشق لكن حبيبي ما لكن حبيبي ما اظن في يوم نتقابل ونوفي بالوعد .

مها

مهما تجيني بدمعتك
يا صويحبي وتروح
مهما تكون النار
وقليبك
تحت صدرك حطب
مهما تظل تعبان
يرويك التعب

مهما تعيش جروح لا تظن ابد انك تبيع وتشتري لحظة هوى في الروح.

المحبة

المحبه طيور إذا حطت على غصون الهوى صار الزمن ملعب وصوت الريح من خطوة هواها يشوف ويسمع المحبة طيور إذا طارت من اقفاص الصدر لا تظنها ترجع .

نخلة

نهام .

یا نهام

یا ولید البحر

وشذنبی احتاجك

واتبع صدی امواجك

بین البحر والبر .

ان كنت انا تاجك احرقني بامواجك وان صحت بك بسي اعنى اريد اكثر .

محرقية

محرقية يا حلو صوتك اذا حن وشهق مثل السقي لامس هوى الاسياف ضحكي لي تريني بالضحك اعبر بحور الظلمة في العالم على شانك على شانك بلا ميداف.

قراءة

لاتقريني على سطح السطر لكن ورا الكلمة حديقة تنتظر تسقى عطر للي عليها يدور

اقرینی مثل عصفور دخل لیل الألم سری لك عیونه قلاید نور .

تعهد:

انا مركب سفر ماشي بلا ربان اتعمد اضيع كل مجاديفي وكل ما دل على اشراعي عشان أبقى سحابة في خيالاتك ودمعة في الفضا تنبض من الشريان ولا تعرفين لها عنوان.

الخوف

اخاف يا زهرة الاسفار على شراعين طلوا في شراييني مثل مثل طلة نهر في أهة الوادي اخاف منى على عيونك

وليش ماخاف وقلبي لك قوافل شوق وانتي في الهوى حادي ؟ .

وردة البحر

ما يكفيني أشمك ورا الاسوار وردة نار تحرقني حرارتها ولايكفيك يا بنت البحر انك تضميني وهم أو طيف . ما يكفيني غير اكون وردة في هوى اترابك اهزك بالجذر وانتي تشديني بحرارة صيف .

صيف خاص

صيفك يا بعد اهلي بردي في الروح واشواق العرق ريحان شيليني من احزاني وضيعيني على طول الفضا

یمکن ارد الارض او یمکن اظل ضایع مثل کوکب خرافی فی مدی الاکوان .

احراج

الصحراء بحر والماي معذرة والمطر ماشي بليا راي ياواقف على كتفي وفي دمي حزن جارح قبل ماتوقف وتسالني قبل ماتوقف وتسالني

وين رايح! عليك تسالني من وين جاي ؟ .

لازم

قالت لي واحنه في ضوه الساحل نمد حبل الوصل تباب يا تباب غبه هالبحر ما يوصلك مريالك.

قلت أنه مجاديفي المشاعر والهوى اشراعي ولو عشت العمر ف اسفار لازم اقطف هلالك.

نبع

وينك يا نبع الماي مقدر احسك في شتا روحي دفه مقدر المسك بالشفه وانته جريب حذاي قلبي يبس

وأنه انتظر مثل الفرس محبوس بين دماي محبوس المقطرة هوى اتمنى لو قطرة هوى ترسم طريقي الياي .

بذرة

يا بذرة عشق تغسل بسايلها من انفاسي اذا واحد قدر في يوم من ايام هالدنيا يشيل الميم يشيل الميم

من اسم المنامة يقدر يشيل الهوى الهوى من تربه احساسي .

سواحل نار

جيتك من مكان بعيد خشني فيك ومسد لي جناحي من ألم الاسفار ضم قلبي وغطسني

وسط ماي الدفه يمكن ترد روحي واتحول على ضلوعك سواحل نار .

ساحة خيل

خليني أضوق الدفه هاللي تجمع في الشفه قطرة نده مخوصرة بالهيل. شوقي مثل نهام طاف الموج

في الدنيا لفه يحلم يسوي لك مواويله فضا وقليبه ساحة خيل.

العمر

على باب الحزن اسأل وانا ادري خشب هالباب ما يملك جواب واحد على اسئلتي على اروحي اللي فاضت عن قفص صدري

اقول يا باب وادري الباب درب جديد ياخذني لأمل عمري.

کلهة صغيرة

انتي أنه في زفيري او شهيقي انتي مثلات البحر وأنه الجزيرة من هوى حبك اسافر في هواي أنه لو انطق واعبر لك عن اللي يحمله قلبي ولو بكلمة صغيره ينهدم هالكون وتتناثر على على طوله دماي .

اختلاف

خلنا نختلف في الراي تكون انت الوتر وأنه السفر في الناي خلني اكون خلني اكون اشواق الشير وانته ف ثمر معناي

خلنا نختلف في الراي تره لولا اختلافات السما ويا البحر ماذقنا طعم الماي .

صوت

حلو صوتك يناديني حلو والله حلو والله حلو يطوي المسافة والهوى تارس إذا حنت شراييني

احس اني فرح مشتاق مايهتم ابد بالسكة والاسوار والاسوار والحارس.

نسبان

نسيت لما قريت حبك حروف اسمي نسيت البحة في صوتي نسيت روحي وقمت احجي وعد حتى ارتعد جسمي وقليبي انفلت اسرار نسيت اني جزيرة محوطة باسوار.

لولو خضر

ياللي تغوص ليل القهر والغربة والاسفار النالولو خضر انا لولو خضر في ظلمة المحار .

لر انته تبغيني عليك تغرص في عروق البحر وتواجه الاخطار.

مكانك

جدفت ما جدفت في ليل الاماني والاغصت سنين في بحور الشقا تحلم وتتمرمر حدك مكانك يا يبه بحر الهوى مهما ثبر والاسقى ما له ابد بندر.

صلاله

یا صلالة
یاطیرة قی سواد العین
لا تطیرین عنی فوق
ولا تفطمین هوی قلبی
تره مقدر علی الحرمان
نزلی من فضا لیلك

ورفعيني ولا يهمك اذا احترقت جناحاتي وشراييني من مياه الحرارة يصرخ البركان.

شراره شوق

فتحي نوافذ هالصدر طلبي وشوفيني طفل طفل جوعان . حاسر محترق وانتي مكانك فوق .

أرجوك نزلي من كلامك هاللي ما يروي ظمأ طعميني لو كسرة فرح والاشرارة شوق.

التصاق

نعم انتي قصيدة ماي قمر . لا . شمس بين عضاي من صوتك بدا في الدنيا تكويني اذا غبت يوم او يومين

عن عينك احس اني بلامعناي وقلبي ريح وانتي ناي يصرخ في شراييني .

فرحة

بسمتك لي لما يتناثر عطرها والا تشهق بالحنين تسوى هالدنيا بقمرها وبأراضيها وبحرها والكواكب والسنين بسمتك لي يانظر عيني هوا الدنيا ويكفيني من الدنيا أشوفك تفرحين.

الغمرس

محارة	7
لق اقدر	9
لوزه	11
حقول	13
ثار الحب	15
حميار	16
عود يابس	17
حارة الآه	18
رهبة	19
محتاج	21
اكثر من النجمة	23
نون الجماعة	25
ما يحتاي	27

عشق	28
نورس	30
حرارة شوق	32
سيف دائم	34
انتظار	36
النهام	38
احساس	40
مىخرة	42
هير برنبع	44
لهب	46
حقيقة	48
مهما	50
المحبة	52
نخلة	54
محرقية	56
قراءة	58

60	تعمد
62	الخوف
64	وردة البحر
66	مىيىف خامن
68	احراج
70	لازم
72	نبع
74	بذرة
76	سىواحل ئار
78	ساحة خيل
80	العمر
82	كلمة صغيرة
84	اختلاف
86	ھىوت
88	نسيان

لولو خضر	90
مكانك	92
<u>م</u> ىلدُّلة	94
شرارة شرق	96
التمياق	98
فرحة	100

للشاعر

الرعد في مواسم القحط	1975
نخلة القلب	1981
تقاسيم ضاحي بن وليد الجديدة	1982
رؤيا الفتوح	1983
هي الهجس والاحتمال	1983
المزمور (٢٣) لرحيق المغني	1983
افا يافلان (شعر عامي مشترك	
مع الشاعرة فتحية عجلان)	1983
اغاني العمىانيرشعر للأطفال	1983
شجرة الاطفال-شعر للأطفال	1983
مفتاح الخير– مسرحية شعرية	1984
للعنامس شهادتها ايضا أو المذبحة	1986

1987	مشاغل النورس المبغير
1988	ذاكرة المواقد
1989	القخ- مسرحية شعرية للأطفال
1989	قمنائد الربيع-شعر للأطفال
1990	الأرانب الطيبة-مسرحية للأطفال
1990	بطوط-مسرحية للأطفال

16



إصدارات مكتبة نون (كان)

ص.ب ١١٦٦١ فاكس / تليفون: ٢٨٥٤٠٤ _ البحرين